

Lider di Fraccion di MEP Eddy Briesen

Hulanda tin prueba cu parke di molina di biento tin efecto pa salud di hende

ORANJESTAD – Na Hulanda tin resultadonan recien di un investigacion estadistico, cu no ta laga ningun duda atras, cu e turbinanan di biento tin efecto pa salud di hende. Lider di fraccion di MEP ing Eddy Briesen a bisa cu tur hende cu ta biba den e region di 2 kilometer of menos di e molinanan di biento, ta sinti molester di e molinanan aki. Hulanda a bisa cu nan ta pro energia duradero y sostenibel, pero nunca e por bay acosto di bida di hende. E decision aki a keda aproba den un mocion cu a pasa relaciona cu un proyecto di molina di biento na Maastricht.

DESICION HULANDA

Aruba kier a bay sconde tras di un documento caminda ta bisa cu e para e proyecto aki na Hulanda, paso na Belgica, djis na e otro banda di fron-

tera di Hulanda tin un par di molina y un trein ta pasa eybanda y e bochincha ey ta stroba e habitantenan di Maastricht y ta p'esey na Hulanda nan a para e proyecto. Briesen a bisa cu esey no ta e caso y cu ta mas bien cu ta basa riba resultadonan di e investigacionnan haci na Hulanda, a bin Sali afo cu e molinanan di biento ta malo pa salud y p'esey nan a para e proyecto

OPINION DI WEB

Durante e reunion riba e topico di Urirama, Fraccion di MEP a pidi un conseho di WEB riba e parke di molina di na Urirama, pero esaki no tabata posibel. Mayoria di esun nan cu ta traha den WEB a bisa cu nan ta contra di e molina di biento, pero e director di WEB no ta sali dilanti pa bisa cu e ta contra.

Fraccion di MEP ta di pensamiento cu WEB ta baila e musica cu Gobierno ta toca pa e director di e empresa.

ENCUESTA PARLAMENTARIO

Gobierno mester keda leu di tuma decisionnan den companianan di utilidad. E momento cu Gobierno tuma decision pa e director ta un problema. Gobierno ta responsabel mesun cos cu e director y e hunta di comisario, pa e decisionnan tuma den e compania aki, pero cada hende tin nan responsabilidad. Tur e consehonan di WEB ta scondi y ningun hende kier papia di nan, pero Briesen ta di pensamiento cu tin hopi puntanan preocupante den e consehonan. E unico forma cu por haya e informacionnan aki, ta a base di un encuesta parlamentario, caminda cu e ehecutivonan di WEB por bin

y duna nan pensamiento riba e parke di molina di bientonan aki.

PASADO

Den e propio informacion cu WEB ta parti rond, ta bisa cu e inversionnan ta relativamente halto y ta bisa cu e planta na Balashi mester ta stand by na tur momento, si eventualmente biento cay, e planta di coriente na Balashi por sigui suministra coriente. Na momento cu mas Aruba tin mester di coriente, e temporada ey no tin biento. Awor aki Prome Minister Mike Eman ta bin dilanti y bisa cu e a baha prijs di awa y coriente, mientras Briesen(MEP) a bisa cu no ta basa riba prijs di petroleo, pero basa riba un maneho di e Gobierno anterior cu awe por disfruta di e rebaho aki. E proyectonan di RECIP Motor y tambe e inversion den e Reverse osmo-



Parlamentario Eddy Briesen.

sis cu danki na Nel Oduber e tempo ey a haci den WEB, awe e prijs di awa y coriente ta baha. E inversionnan cu a haci den pasado na aña 2003 bin ariba, awe ta dunando resultado cu Gobierno anterior tabata desea. Briesen no ta kere cu AVP a cumpli cu nan promesa di reduci prijs di awa y coriente pa comunidad. □